

醫

學

綱

目

醫學綱目卷之十三

肝膽部

驚悸怔忡

產驚悸

心驚悸動

大驚屬
血虛有
痰

驚者心卒動而不寧也悸者心跳動而怕驚也怔忡亦心動而不寧也

丹怔忡大驚屬血虛與痰有慮便動者屬虛時作時

止者痰因火動瘦人多是血虛肥人多是痰飲

真覺心跳者是血少宜四物安神之類

治勞役心跳大虛症

硃砂錢一

歸身

白芍

側柏

川芎各五錢

陳皮

甘草

黃連各三錢

右用猪心血為丸

培六脈俱大按之空虛必面赤善驚上熱乃手少陰心之脈也此氣盛多而亡血以甘寒鎮墜之劑瀉火與氣以墜

氣浮以甘辛溫微苦峻補其血熟地黃生地黃柴胡升麻
白芍藥牡丹皮川芎黃芪之類以補之以防血溢上竭

鍾聖之劑謂
丹砂之類

杜林學士本南人歷內地爲官有一子甚端嚴而聰敏父
母愛之居常喜食海蛤飲食之頃未嘗不設至十八年忽
面色頓青形體瘦削夜多驚悸皆謂勞瘵之疾百療不瘳
遂召杜脈之杜曰非病何以知之蓋雖病削面青精神不
減問學院子秀才好食甚物曰多食南海中味杜曰但多
服生津液藥病當自愈如是經兩月面色漸有紅潤意夜
亦無驚悸林學士延杜而問曰醫師之驗久聞世名願聞
此病所以杜曰王冰素問曰鹽發渴乃勝血之証海味皆
鹹物既多食海味使心血漸衰則夜驚悸今既去鹹用生
津液之藥人且少壯血液易生面色漸有紅潤此疾去乃

安矣。衆醫以爲勞瘵，非其治也。

水停心下必悸

脾胃食少，飲多，水停心下。甚者則悸，微者短氣。飲水多必心下悸

無五飲停畜，閉於中脘，最使人驚悸，屬飲家。

時作時止者痰因火動

溫膽湯治心膽虛怯，觸事易驚，或夢寐不祥，遂致心驚膽

懾，氣鬱生涎，涎與氣搏，變生諸症。或短氣悸乏，或復自汗

膽虛不能致脾則脾之水飲作矣

半夏湯洗

竹茹

枳實炒各二兩

橘皮去白二兩

甘草炙一兩

五錢

白茯苓

右爲剉散，每服四大錢，水一盞半，薑五片，棗一枚，煎七

分，去渣，食前服。

仲心下悸者，半夏麻黃丸主之。

半夏

麻黃等分

右二味爲末，煉蜜和丸，如小豆大，飲服三丸，日三服。

茯苓甘草湯方見傷寒傳

驚風肝心脾

東方青色入通於肝其病發驚駭金匱真言論

脾移熱於肝則為驚病全文見診

一陽一陰發病主驚駭背痛善噫善欠者名曰風厥全文見診

三陽一陰太陽脈勝一陰不得止內亂五臟外為驚駭陽

類論

臥而驚者肝

木珍真丸獨活丸並治臥驚悸多魘二方並見不得臥○經云臥則血歸於肝

今而不寐臥不歸肝故驚悸於臥也

東羌活勝濕湯治臥而多驚悸多魘洩者邪在少陽厥陰

也加柴胡五分如淋加澤瀉五分此下焦風寒二經合病

也經曰腎肝之病同一治為俱在下焦非風藥行經不可

也羌活勝濕湯方見脫痛

諸病疹酸驚駭皆屬於火全文見診

因驚成
悸者病
在心膽

丹病自驚而得者則神出其舍舍空得液則成痰也血氣入舍則痰扣其神不得歸焉此法非加

無驚悸因事有所大驚而成者名曰心驚膽寒病在心膽經其脈大動動脈如豎厥厥動東垣硃砂安神丸方見煩垣云外物驚宜鎮平以黃連安神九是也

無鎮心丹治驚悸

辰砂

用黃絲節酒浸

龍齒

用通志節醋炙

右只取辰砂龍齒各等分爲末猪心血爲丸如芡實大每服一九以麥門冬葉葉荳燈心白蜜水煎荳熟爲度臨臥咽下小兒磨化半丸量歲數與之

世蜜陀僧散治驚氣入心絡不能語者昔有爲狼及大蛇所驚皆以此而安用蜜陀僧研極細末茶調一錢七服即愈

無寒水石散治因驚心氣不行鬱而生涎結爲飲遂爲大疾忪悸煩慄不自勝持少遇驚則發尤宜服之

寒水石

煨

滑石

水飛各一錢

生甘草

一錢

右爲末每服二錢熱則新汲水下怯寒則薑棗湯下加龍膽少許尤佳

子和衛德新之妻旅宿樓上夜值盜劫人燒舍驚墜床下自後每聞有響則驚倒不知人家入輩躡足而行莫敢冒觸有聲諸醫作心病治之人參珍珠及定志丸皆無效戴人見而斷之曰驚者爲陽從外入也恐者爲陰從內出也驚者爲自不知也恐者爲自知也足少陽膽經屬肝木膽者敢也驚怕則膽傷矣乃命侍女執其兩手按於高椅上坐當面下置一小几戴人曰娘子當視此一木猛擊之驚其婦人大驚戴曰我以木擊几何必驚乎伺少停擊之驚

少緩又斯須連擊三五次又以杖擊門又暗遣人擊背從之憲徐徐驚定而歎曰是何治法戴人曰內經云驚者平之平者常也常見必無驚是夜使人擊其門憲自昏昏達曙熟臥不聞夫驚者神上越也從下擊几使之下視所以收神也一二日雖聞雷亦不驚德新素不喜戴人至是終身敬服

仲炙甘草湯治脈結代而悸方見傷寒

丹驚悸定志丸加琥珀鬱金

無定志丸治心氣不足驚悸恐怯

葛蒲炒

遠志心

茯苓各二兩

人參一兩

辰砂為末

右為末蜜丸如桐子大每服五十九米湯下一方去茯神名開心散服二錢七不時

本安神鎮心治驚悸消風痰辰砂遠志丸

石菖蒲

遠志

人參

茯神

川芎

山藥

鉄粉

麥門冬

天麻

半夏

南星

白茯苓生各一兩

細辛

辰砂各半兩

右爲細末生薑五兩取汁入水煮糊丸如棗大另以硃砂爲衣每服二十五丸夜臥服生薑湯下小兒減服

茯苓丸

石菖蒲

辰砂

人參

遠志

茯苓

眞鉄粉

茯神

南星牛膽製

半夏麴等分

右爲細末生薑四兩取汁和水煮糊丸如桐子大別用細末爲衣乾之每服十粒加至二十粒夜臥生薑湯下

上二方療驚良驗

問本音則驚屬

胃足陽之脈是動則病聞木音則惕然而驚欲動

素陽明所謂甚則惡人與火聞木音則惕然而驚者陽氣

與陰氣相搏水火相惡故惕然而驚也脈解○黃帝問曰

足陽明之脈病惡人與火聞木音則惕然而驚鍾鼓不為

動聞音而動何也岐伯曰陽明者胃脈也胃者土也故聞

木音而驚者土惡木也陽明脈解篇

素陰驚悸屬脾

疾飲驚悸屬脾土是前疾飲條

逆氣

逆氣驚悸有三

一曰肝木不及金來乘之經曰木不及曰委和委和之紀

其發驚駭又云陽明之復則入肝驚駭筋攣是也

二曰火邪助心經云少陽所至為驚惑又云少陽所至為

驚躁又云少陽之勝善驚是也

三曰寒邪傷心經云歲水太過寒氣流行病煩心躁悸是也

按經云陽氣者開闔不得寒氣從之乃生大僂陷脈爲癭留連肉腠俞氣化薄傳爲善長及爲驚駭者是癭瘡所爲之驚駭也蓋俞則癭瘡之俞竅其痛氣留連肉腠之間恐人觸着而痛故化惕惕然之心內薄而傳爲善畏驚駭之疾也

針灸

撮心燥燥跳動少衝瀉之灸立効

甲驚善悲不樂如墮汗不出面塵黑病飢不欲食照海主之○膽寒怯寒厥手臂痛善驚妄言而赤泣出液門主之○善驚悲不樂厥脛足下熱面盡熱啗乾渴行間主之素肝脈驚暴有所驚駭大奇論王註云驚謂驚言也○二陽急爲驚全○白脈之至也喘而浮上虛下實驚有積氣在胸中名

曰肺痺寒熱

全文見精

○陽明清則病積而善驚

仰寸口脈動而發動即為驚弱即為悸

脈驚主病者其脈止而復來其人目睛不轉不能呼氣

因驚生病有四

仰病有奔豚有吐膿有驚怖有火邪此四病皆從驚發得

之

產驚悸

大七寶散產後服之安神壓驚

辰砂

研

桂心

當歸

川芎

人參

白茯苓

羚羊角

燒存性各二錢

乾薑

一錢炮

右為末每服一錢用羌活豆淋酒調下如不飲酒漬米水飲調下○如心煩熱悶以麥門冬去心煎湯調下減薑桂○如心下煩悶而痛用童便酒調下○如腹痛加

當歸○如心悶加羚羊角○如心虛氣怯加桂心 不下食或惡心加人參○虛顛加茯苓

海大効牡丹皮散治血藏虛風及頭目不利不思飲食手足煩熱肢節拘急疼痛胸膈不利大腸不調陰陽相干心驚怯悸或時旋運

牡丹皮 川芎 枳殼錢炒各一兩 陳皮

玄胡索 甘草 羌活 半夏湯洗各半兩

木香三分 訶子肉三分 芍藥三分 三稜炒半兩

乾薑五錢 當歸一兩 白朮錢炒三錢 桂心五錢

右為細末每服二錢水一盞半煎五七沸食前溫服益血海退血風勞攻注消寒痰實脾胃理血氣攻刺及氣虛惡寒潮熱証至妙

大治產後中風心忪悸志氣不定恍惚語言錯亂

人參分六

羚羊角屑

麥門冬

茯神各八分

茯苓

白鮮皮

甘草各四分

石膏二分

淡竹瀝兩大合

右咬咀用水二升煎至七合下竹瀝分三服

心澹澹動

厥陰病
心澹澹
大動

澹澹因痰動也心澹澹動者謂不怕驚而心自動也驚恐亦曰心中澹澹恐謂怕驚而心亦動也

少陽病
心掣

其澹澹自動之病屬二經一屬心主手厥陰病經云心主手厥陰之脈是動則病心中澹澹大動面赤目黃喜笑不休視盛虛寒熱陷下取之是刺灸之法也又曰太陽司天寒淫所勝病心澹澹大動胸脇胃腕不安治以甘熱是運氣之寒傷心主也○其二屬少陽病經云一陽發病少氣善欬善噫其傳為心掣是也掣尺制反曳也

怒

怒在陰陽爲陰閉遏其陽而陽不得伸也經云陰出之陽則怒又云血并於上氣并於下心煩寃善怒東垣云多怒者風熱陷下於地是也○怒在臟腑所屬經在臟爲肝在志爲怒又云肝藏血血有餘則怒又云膽爲怒是也

丹治怒方

香附末

六兩

甘草末

一斤

右和勻白湯調服五錢

怒皆屬木太過

運氣怒皆屬木太過經云木太過曰發生發生之紀其病怒又云歲木太過風氣流行甚則善怒又云歲土不及風反大行民病善怒是也○怒在禁忌多生厥逆經云陽氣者大怒則形氣絕而血苑於上使人薄厥又云暴怒傷陽又云怒則氣逆甚則嘔血及衄泄是也

善太息

太息皆
傷肺邪

運氣善太息皆傷燥邪傷肺經云陽明在泉燥淫所勝病
善太息又云陽明之勝太息嘔苦又云少陰司天地乃燥
婁愴數至脇痛善太息是也

針灸

內經灸刺善太息皆取心膽二經經云黃帝曰人之太息
者何氣使然岐伯曰思憂則心系急心系急則氣道約約
則不利故太息以出之補手少陰心主足少陽留之也又
曰膽病者善太息口苦嘔宿汁視足少陽脈之陷下者灸
之又云膽足少陽之脈是動則病口苦善太息視盛虛實
寒熱陷下取之是也

面色蒼然太息如將死狀振寒洩白便難中封主之
脾虛令人病寒不樂好太息商止主之○凡好太息不嗜
食多寒熱汗出病至則善嘔嘔已乃衰即取公孫及井腧

實則腸中切痛厥頭面腫起煩心狂飲多不嗜臥虛則腹脹腸中氣大滿熱痛不嗜食霍亂公孫主之

目疾門 目赤腫痛 外障 內障

不能遠視 不能近視 雀目日落不見物

目淚不止 風沿爛眼 倒捷拳毛 努肉

攀睛 飛絲塵垢入目 視岐亂見

目開不閉 眇目直視 目上視

日具陰陽五臟

經云瞳子黑眼法於陰白眼赤脈法於陽故陰陽合傳於

精明此則眼具陰陽也全文見視岐亂見又曰五臟六腑之精氣

皆上注於目而為之精精之窠為眼骨之精為瞳子筋之

精為黑眼血之精為絡其窠氣之精為白眼肌肉之精為

約束裹擷筋骨氣血之精而與脈并為系上屬於腦後出

於項中此則眼具五臟六腑也全文見視岐亂見後世以內外皆

屬心上下兩脣屬脾白眼屬肺黑眼屬肝瞳子屬腎謂之五輪蓋本諸此也又有八廓之說無義無據今不得刪入焉

臟腑主目有二

肝主目

一曰肝經云東方青色入通於肝開竅於目藏精於肝又云人臥血歸於肝肝受血而能視又云肝氣通於目肝和則目能辨五色也

心合脈諸脈皆屬於目

二曰心經云心合脈諸脈者皆屬於目是也至東垣又推之而及於脾如下文所云

目疾始於脾胃

東垣五臟生成篇云諸脈者皆屬於目目得血而能視針經九卷大惑論云心事煩冗飲食失節勞役過度故脾胃虛弱心火太盛則百脈沸騰血脈逆行邪害孔竅天明則日月不明也夫五臟六腑之精氣皆稟受於脾土而上貫

於目脾者諸陰之首也目者血氣之宗也故脾虛則五臟之精氣皆失所司不能歸明於目矣心者君火也主人之神宜靜而安相火代行其令相火者胞絡也主百脈皆榮於目既勞役運動勢乃妄行及因邪氣所升而損其血脈故諸病生焉凡醫者不理脾胃及養血安神治標不治本不明正理也

陽主散陽虛則眼楞急而為倒睫拳毛○陰主斂陰虛不斂則瞳子散大而為目昏眼花

望目眥外決于面者為銳眥在內近鼻者為內眥上為外眥下為內眥顧紅○診脈痛赤脈從上下者太陰病從下

上者陽明病從外走內者少陽病太陽病宜溫之散之陽

明病宜下之寒之少陽病宜和之也論疾診尺篇

保論云眼之為病在腑則為赤當除風散熱在臟則為裏

當養血安神。暴發者爲表而易療。久病者爲裏而難治。除風散熱者。瀉青丸主之。養血安神者。定志丸主之。婦人熱地黃丸主之。或有肥體氣盛風熱上行。目昏澁。槐子散主之。此由胸中濁氣上行也。重則爲痰厥。亦能損目。常使胃中氣清。自無此病也。又有因目疾服涼藥多。則損氣者。久之眼漸昏弱。乍明乍暗。不能視物。此則失血之驗也。熟乾地黃丸消氣定志丸相須而養之。或有視物不明。見黑花者。此之謂腎氣弱也。宜補腎水。駐景丸是也。或有暴失明者。謂眼居諸陽交之會也。而陰反閉之。此風邪內滿。當有不測之病也。

目赤腫痛

目痛分陰陽
目疼有二。一謂目眇白。眼痛。一謂目珠黑。眼疼。蓋目眇白眼疼屬陽。故晝則疼甚。點苦寒藥則效。經所謂白眼赤脈。

陰症治法

法於陽故也目珠黑眼疼屬陰故夜則疼甚黯苦寒則反劇經所謂瞳子黑眼法於陰故也

簡補肝散治肝虛目睛疼冷淚不止筋脈痛及羞明怕日夏枯草五錢香附子一兩共爲末每服一錢臘茶調下無時候服

右夏枯草治目珠疼至夜則疼甚者神效或用苦寒眼藥點上反疼甚者亦神效蓋目珠者連目本日本又名目系屬厥陰之經也夜甚及用苦寒點之反甚者夜與寒亦陰故也丹溪云夏枯草有補養厥陰血脈之功其草三四月開花遇夏至陰生則枯蓋稟純陽之氣也故治厥陰目疼如神者以陽治陰也予周師目珠疼及連眉稜骨痛并頭半邊腫痛遇夜則作用黃連膏子點上則反大疼諸藥不效灸厥陰少陽則疼隨止半月又作

又灸又止者月餘遂以夏枯草二兩香附二兩甘草四錢同為細末每服一錢五分用茶清調服下咽則疼減大半至四五日良愈又一男子年六十歲赤目珠連眉稜骨疼夜甚用苦寒劑點亦甚與前証皆同但有白翳二點在黑目及外眥為翳翳皆不效亦以此藥間東垣選奇湯又加四物黃連煎服并灸厥陰少陽而安

本治睛疼難忍者

川歸

防風

細辛

薄荷

各等分

右為末每服二錢麥門冬熟水調下食後日午夜臥各一服

保止痛散治兩額角痛目睛痛時見黑花及目赤腫痛脈弦作內障也得之於飢飽勞役

柴胡

一兩

甘草

灸七錢半

瓜蒌根

二兩

當歸

黃芩

酒一升半炒

生地黃

兩

右為龕末每三錢水一盞半薑三片棗一枚臨臥熱服

小便不利加茯苓澤瀉各五錢

治太陽經衛虛血實目腫赤臉重頭中濕淫膚腎睛痛肝

風盛眼黑腎虛

桔梗丸

桔梗

斤

牽牛

頭末二兩

右細末每服四五十丸至一百丸食前溫水下日二次

陰病似陽整法

行暴赤眼無瘡者以古銅錢刮淨薑上取汁於錢唇點目

熱淚出隨點隨愈但小兒甚懼不須疑已試良驗

又以此治癢

張仲文治眼暴赤腫痛不得開又淚出削附子赤皮末加

蠶屎着背中以瘥為度

本治丈夫女人室女小兒諸般赤眼針頭丸

川烏尖

七枚

白僵蚕

七枚

去脂

鵬砂

十文

右爲末用猪膽取汁調藥不令稀用成軟塊攤在碗內
荆芥艾各一兩皂角小者一莖燒將藥碗覆薰之常將
藥膏攪勻轉又攤又熏以皂角荆芥艾盡爲度再搜成
塊用油紙裹入地中出火毒冬天兩日夜夏天一夜春
秋一日夜取出丸如針頭大每一丸點眼中妙

陽毒治法

丹治目中百病乳汁煎黃連點之

行人乳汁治目中功多何也人心主血肝藏血肝受血則
能視盪水入於經其血乃成又曰上則爲乳汁下則爲月
水故知乳汁卽血也用以點目豈不相宜者哉○治眼痛
小黃柏皮一名小栢子以麝布揩去麝皮刮取柔細黃屑
以手急捏成團如鷄子大以苧絲縛之次以蘿蔔葉包之

又用苧絲縛之置灰火內煨去外二三層有灰者急用紗絞出黃汁收之點眼甚妙一方用乳汁拌小黃栢皮同煨點之又勝

世傳信方眼風汨痒或生翳或赤眚一切皆主之宣州黃連搗爲細末雜核仁去皮碾爲膏綠此性稍濕末不得故耳與黃連等分相合取不蛀乾棗三枚割頭少許留之去核以二物填於中却取割下棗頭依前合定以少綿裹之惟薄綿爲佳以水半碗於銀器中文武火煎取一鷄子殼以綿纏待冷點眼萬萬不失前後試驗數十人皆應保點眼藥除昏退翳截赤定痛

當歸錢二

黃連錢二

防風

錢一

細辛

五分

甘草

錢一

右劉如麻荳大水一大碗文武火煎滴水中不散爲度

入熟蜜少許點閉

丹暴赤眼痛枸杞汁點妙

手集

目卒痛荊芥燒汁點之

後附

保救苦丸治眼暴赤發噴痛甚者

黃連

兩

川歸

二錢

甘草

一錢

右剉細水半碗浸一宿以火熬約至一半綿絞去查令

淨再熬作稠膏攤在碗上倒合以物蓋之用熟艾一大

塊如彈子大底下燃之薰膏子令艾盡為度下下項藥

硃砂

一錢

腦子

五錢

乳香

沒藥

研各等分

右研入膏和丸如米大每用二丸點眼兩角仰面臥藥

化方起

世點藥方黃連五錢去鬚槌碎用水三碗浸夏月三日冬

五日以古文錢百枚箇同煎取汁半碗又將查再煎凡三

次取綿纏過以磁器燉成膏子如沙糖樣却將蘆甘石黃

連牙茶小便煨過者入麝香少許同研細入前膏子再煨可丸爲度如桐子大化點○一方不用蘆甘石只將膏子入麝少許點尤妙○一方陰陽寒熱通用以生薑自然汁重綿纏過澄薑泥晒乾却用黃連膏入蜜少許以薑泥爲丸餅如錢厚或水化或乾點神效

惡寒脈浮者爲有表

薑汁點法見前黑睛痛條治目痛惡寒脈浮者效○治目皆白眼痛諸法並見後表裏寒熱虛實等條

東垣選奇湯防風飲子治眉骨痛不可忍

方見眉痛門

芩辛湯治兩目晝夜隱澹難開羞明畏日目赤視物昏暗

芩薺

蔓荊子各五分細辛二分

防風一錢五分

甘草

白芷各一錢

右作一服水一大盞八分煎至一盞去渣稍熱臥服之極佳

明目細辛湯治兩目發赤微痛羞明畏日怯風寒怕火眼
睫成細眵糊多隱澹難開眉攢痛悶鼻涕唾極多如稠膿
大便微硬喜食冷物

麻黃

羌活各三錢

藥本一錢

川芎五分

細辛少許

白茯苓一錢

蔓荊子六分

荊芥蕙二錢

當歸稍一錢

生地黄六分

川椒八粒

桃仁二十枚

紅花少許

防風二錢

右並剉如麻草大分作四服每服水二大盞煎至一盞
去渣稍熱服食後忌酒濕麪及風寒處行走

本治肝腎風毒氣上衝眼痛菊花散

甘菊花

牛蒡子各八兩

防風三兩

白蒺藜去刺一兩

甘草一兩五錢

右為細末每服二錢熱水調下食後臨臥

脈實有力者為有裏

凡目赤痛或大腑秘或脈實有力者為有裏證宜微利之

實熱條瀉青丸洗肝散之類是也

海目赤暴作雲翳疼痛不可忍宜四物龍膽湯

四物錢各五

羌活

防風錢各三

防已錢各二

右水煎服

丹丈夫患眼赤腫痛

連翹

黃芩

歸類

陳皮

蒼朮錢各二

木通錢一

甘草錢一

分三貼薄苛葉五片水二盞煎一半入些好酒熱飲之

保槐子散治體肥氣盛風熱上行目昏痛

槐子

黃芩

木賊

蒼朮錢各等分

右細末食後茶送下

川芎散治風熱目眩熱腫及胸中不利

川芎

槐子各一兩

右為末氣滯下利薑湯調目疾茶清調熱上攻吹咀一

兩煎服

潔治眼赤暴發腫散熱飲子

防風

羌活

黃芩

黃連

各一兩

右切每半兩水二盞煎食後溫服如大腑秘加大黃一兩如痛甚加川歸地黃煩躁不得臥加梔子一兩

治目暴發赤腫除風散熱瀉青丸方見治法門

局洗肝散風毒上攻暴作赤目腫痛難開隱澹眵淚

薄荷去梗

當歸

羌活

防風

各去

梔子仁

甘草炙

大黃

川芎

各二兩

右為末每服二錢食後熱水調下

本事治目暴赤瀉腫疼痛

木賊

半兩 去節

細辛

半兩 淨洗

草烏

一分 去尖

龍膽草

半兩 去根

右為剉散每服三大錢水一大盞黑荳半合煎至一二沸入沙糖一塊如大彈子大煎至八分去查食後溫服一應諸眼患並用忌煎煉油麵酢醬熱物及不得嗔怒房色等事則便易獲痊矣

虛熱宜升降水火

治腎經虛冷水候不升不能上滋肝木致令眼目昏暗或痛或痒須用此藥方調治之

川芎

荊芥

天麻

革薺

川烏

炮

烏藥

羌活

黑牽牛

炮

川歸

金釵石斛

各等分

右為末煉蜜丸如荳大硃砂為衣每服一九薄荷湯嚼下

目赤腫足寒者必用時時溫洗其足并詳赤脈處屬何經
灸三里臨泣崑崙等穴立愈○海藏四物龍膽湯方見熱降
保地黃湯治眼小昏澀因發而久不能痊

防風

當歸

黃芩

黃連

人參

茯神

羌活

地黃各等分

右龍末每服五七錢水一盞半煎至一盞溫服

肝赤眼非痛煎枸杞汁服方見熱降

恒助陽和血補風湯治眼發上熱壅白睛紅眵多淚無疼
痛而隱澀難開此服寒藥太過而真氣不能通九竅也故
眼昏花不明宜助陽和血補氣

防風

黃芩

甘草

蔓荊子

歸身

白芷

升麻

柴胡

右咬咀作一服水一盞半煎至一盞去渣熱服臨臥避

風及忌食冷物

碧天丸治目疾累服寒涼不愈兩目蒸熱有如火薰赤而不痛紅系血脈滿目貫睛膏悶昏瞶羞明畏日或上下脣赤爛或不伏風土而內外銳皆皆洗破之

瓦粉炒一兩

銅綠七分

枯白礬二分

一分是一錢

右研銅綠白礬令細旋旋入瓦粉銅綠勻熱水和之共爲丸每用一丸熱湯半盞浸一二箇時辰洗至覺微澆爲度少合眼半時辰許臨臥更洗了眼目就睡尤神妙一丸可洗十日如再用重湯內頓令熱此藥治其標爲裏熱治已去矣裏實者不宜用此當瀉其實熱諸方見前大腑秘堅條

口熱宜

子和濟州王正之壬午年十五歲目赤多淚衆工無效戴人見之曰此兒病在目裏當得之母腹中被驚其父曰妊娠

時在臨清被圍戴人令服瓜蒂散加鬱金上湧下泄各去涎沫數升人皆笑之其母曰兒腹中無病何以吐瀉如此至明日其目輝然爽明○一小兒名得孫眼發赤其母買銅綠欲洗兒目煎成家人誤與兒飲之須臾大吐吐訖立開○安慶趙君玉目暴赤腫點洗不退偶思戴人法曰凡病在上者皆宜吐乃以茶調散涌之一涌赤腫消散君玉歎曰法之妙其迅如此乃知法不遠人人自遠耳

通者
失之

孫仁廟朝中衛才人忽患眼疼眾醫皆不能療或投寒藥或投補藥加之腑臟不安上乃問孫孫曰臣非眼科乞不全責於臣降旨有功無過孫乃診之肝脈弦滑非熱壅也乃才人年壯血盛肝血併不通遂問及宮人月經已二月不通眾醫曰有孕孫曰此正為疾耳遂下通血藥其經既通不日眼疾亦愈上賜錢三十萬才人贈金一囊宮人謠

曰神醫不來雙目難開

丹治風赤眼乾蛭蚓十箇炙爲末冷清茶下二錢夜臨臥與服聖惠方

點藥諸方

分陰陽並見前眼痛分黑白條

世治眼暴赤腫大田螺以清水漾去泥壁去掩入黃連末一錢麝些少在內將一盞子安少濕泥仰安田螺在泥上粘定露一宿次日早盡化爲水以鷄翎刷眼痛處則瘥

外治赤眼及睛上瘡秦皮一兩清水一升於白碗中浸春夏一食時以上看碧色出卽以筋頭纏綿仰臥點所患眼乃先從大眇中滿眼點微痛不畏良久三五飯頃卽側臥瀝却熱汁每日十度已上不過二日瘥○治赤目痒痛地骨皮三升水三斗煮取三升去渣納鹽二兩煎取二升傳目或加乾薑二兩

博濟治風毒上攻眼腫痒澁痛不可忍者或上下臉皆赤爛浮翳瘀肉侵睛神效驅風散

五倍子

兩

蔓荊子

五錢

右同杵爲末每用二錢水二盞銅瓦器內煎及一盞澄查熱淋洗留滓二服又依前煎淋洗大能明眼目去滯痒。

濕眼稍赤爛

黃連

三錢

白礬

三錢

銅綠

蜜陀僧

錢

輕粉

少

右爲極細末少少貼之

東碧雲散搗藥

青黛

一錢

蔓荊子

半

川芎

二錢

薄荷

二錢

鬱金

錢

石青

錢

細辛

錢

紅荳

粒

芒硝錢一

右為細末口噙水鼻孔內噴之

治赤眼頭風等症此方名為神聖散

乳香

沒藥

川芎

石膏

雄黃各二錢

盆硝半兩

右為細末專治赤眼冷淚頭風耳聾耳疼鼻塞聲重一

搗牙投便佳

保眼發赤腫毒氣侵睛脹痛宜拔毒散

盆硝

乳香

雄黃

沒藥各等分

右為細末研以少許搗鼻中

治眼風毒發腫鼻中欲嚏嚏多鼻損而生瘡宜風散

川芎

甘菊各二錢

乳香

沒藥各一錢

右為末少許搗鼻中

貼洗雜方

本治赤腫眼以白薑末水調貼脚掌心 又以上硃蜜調
帛貼眼上

山赤眼用九節黃連秦皮龍末加滑石一塊煎湯洗 又
方用熱湯篩洗或濃煎冬青葉湯入鹽熱洗

丹治火眼艾燒細烟以碗蓋之候烟上成煤取下以溫水
調洗之入黃連尤妙

開 却廣大重明湯治兩目臉赤爛熱腫疼痛并稍赤及眼臉
痒及痒極抓至破爛赤腫眼楞生瘡翳目多眵痛隱濇難

草龍膽稍 防風

甘草根

細辛各等分

右剉如麻豎大肉甘草不剉只作一挺先以水一大碗
半煎草龍膽一味乾一半再入餘三味煎至一小碗
去渣用清汁帶熱洗以重湯坐令極熱日用五七次洗

畢少合眼須臾即去努肉縱長及痒亦減矣

運氣目赤有二

風助火
熱在上

一曰風助火鬱於上經云少陰司天之政二之氣陽氣布風乃行寒氣時至民病目眩目赤氣鬱於上而熱又云少陽司天之政初之氣風勝乃溫候乃大溫其病氣怫於上目赤是也

火獨盛
熱在中

二曰火盛經曰火太過曰赫義赫義之紀其病目赤又云火鬱之發民病目赤心熱又曰少陽司天之政三之氣炎暑至目赤又云少陽之勝目赤是也

肝實宜
清之
肝虛宜
溫之

三曰燥邪傷肝經云歲金太過燥氣流行民病目赤又云陽明司天燥氣下臨肝氣上從脇痛目赤是也

針灸

內經灸刺白眼痛有四法

其一取足太陽經云目痛赤脈從上下者太陽病故知取

之也

其二取足陽明經云目痛赤脈從下上者陽明病故知取之也

其三取足少陽經云目痛赤脈從外走內者少陽病又手足少陽之脈所生病者皆目銳眦病故知取之也

其四取躄脈經云邪客足陽躄之脈令人目痛從內眦始刺外踝之下半寸所左刺右右刺左又云目中赤痛從內眦始取之陰躄也

灸刺黑珠痛有三法

其一取足太陽經云足太陽有過項入于腦者正屬目本名曰眼系頭目若痛取之在項中兩筋間是也

其二取足厥陰經云肝足厥陰之脈上入頰頰連目系故取之也

其三取少陰經云手少陰之別名曰通里屬目系取之掌後一寸也又足少陽之正陽明之正皆繫目系經無取法也

子和余嘗病目赤或腫或翳作止無時偶至新息帥府百餘日羞明隱澹腫痛不已忽眼科姜仲安云宜刺上星至百會連以鉋針刺四五十刺攢竹穴絲竹空穴上兼眉際二十刺及鼻兩孔內以草莖彈子出血如前約二升許來日愈太半三日平復如初

深眼痛睛欲出者須八關大刺十指間

出血須十指縫

心眼暴赤腫

神庭

上庭

顙門

前頂

百會

各出血立愈

世眼眶腫

二間

行間

摘眼疼不可忍

風也

合谷

立愈

玉眼紅腫羞明怕日并昏 睛明針飛向裏不可直針忌灸 童子窮

針入一分沿皮肉透魚腰 太陽懸針出氣

實眼痒痛 光明 第五各流行間

集羞明怕日 攢竹 合谷灸 小骨空灸如前 二間

張風眼卒生翳膜疼痛 中指本節尖上灸三壯小麥大左灸右右灸左

集諸障 睛明 四白在珠下一分 太陽百會商陽厲

兌光明各出血合谷三里命門肝腧光明各灸之

撮要眼赤腫疼痛 陽谷一分瀉之灸 至陰

甲內皆赤腫目眵眵無所見皆痒痛溢膚白翳睛明主之

○目眵眵赤痛天柱主之○目痛泣出甚者如脫前谷主之

之○眼痛下廉主之○白膜覆珠子無所見解溪主之○

青盲無所見遠視眵眵目中搖膚白膜覆瞳子目窓主之

○目痛口僻疾目不明四白主之○目痛引眥少腹偏痛

皆一作春嘔痰視昏嗜臥照海主之瀉左陰蹻取足左少陰
前刺陰蹻後刺少陰氣在橫骨上○目中白翳然谷取
之○目視不明振寒自翳瞳子不見腰兩脇痛脚痠轉筋
丘墟主之○目赤目黃顴骨主之○目眩無所見偏頭痛
引目外眥張急頰厭主之○目中痛不能視上星主之先
取噫嘻後取天牖風池○目痛不明斷交主之

葉眼痛久不愈○魚際壯

外障在睛外

表裏上

經云診目痛赤脈從上下者太陽病從下上者陽明病從
外走內者少陽病按此論表裏之翳明矣用以治症如鼓
應桴也

從上
下皆太

凡赤脈繇初從上而下者屬太陽以太陽主表其病必連
眉稜骨痛或腦項痛或半邊頭腫痛是也治法宜溫之散

陽宜溫

之溫則臘茶鹽川附等分煎服立愈戴立齋嘗以此證用
川附一錢作一服隨愈散則簡要夏枯散東垣選奇湯之
類是也○一方附子半兩芽茶一大撮白芷一錢細辛川
芩防風羌活荊芥各半錢煎服神效

兼服夏枯草方見目珠痛條
垣選奇湯治眉稜骨痛目翳從上下者妙方見眉
羌活除翳湯治太陽寒水翳膜遮睛不能視物

麻黃根分一羌活一兩防風一兩藜蘆七錢

薄荷葉二錢細辛少許荊芥七錢煎成

川芎二錢當歸根三錢生地酒一小椒五分

黃柏四錢知母酒三錢

右吹咀每服三錢水三大盞煎至一盞半入荊芥蔥再

煎至一盞去查稍熱服後忌酒濕麵

困又方

防風雨

白茯苓雨

羌活雨

甘菊雨

右為細末每服二錢入鹽少許百沸湯點服食後

赤脈翳初從下而上者或從內背出外者皆屬陽明以陽

明主裏其症多熱或便實是也治法宜下之寒之下則局

方流氣飲錢氏瀉青丸局方溫白丸加黃連黃柏之類累

用累驗寒則一味黃連羊肝丸之類也

局流氣飲治目生翳障

大黃炮

牛蒡子炒

川芎

菊花去枝

白蒺藜炒去梗

細辛去苗

防風去苗

玄參去苗

山梔去皮

黃芩去蘆

甘草炙

蔓荊子

荊芥去梗

木賊去一兩

草決明半一兩

蒼朮雨

上者陽
明宜下
宜寒

右爲末每服二錢臨臥用冷酒調下

羅撥雲散治因眼發濕熱不退而作翳膜遮睛昏暗羞明
隱瀆難開

川芎 草龍膽 楮實 薄荷

羌活 荊芥蕙 石決明 草決明

蒼朮 大黃 甘草 木賊

密蒙花 連翹 川椒 甘菊

桔梗 石膏 地骨皮 白芷

白蒺藜 檳榔各一 石燕一對

右件搗羅爲細末每服三錢溫茶清一盞調下食後一

日三服忌雜魚鳥諸肉

海藏東垣先生治症後風熱毒翳膜氣壅遮睛以瀉青丸
子瀉之大効初覺易治保命集云症後翳膜亦能治之瀉青丸減大黃一半用之

妻姪女形肥筭年時得目疾每一月或二月一發發時紅腫瀉痛難開如此者三年服除風散熱等劑及尋常眼藥則左目反有頑翳從銳眥來遮瞳人右目亦有翳從下而上經云從外走者少陽病從下上者陽明病予謂此少陽陽明二經有積滯也脈短滑而實晨則似短潔古云短為有積滯遏抑臟腑宜下之遂用溫白丸減川芎附子三之二多加龍膽黃連如東垣五積法從二九每日加一丸加至大利然後減丸又從二九加起忽一日於利中下黑塊血若干如墨大而硬堅從此漸覺痊而翳盡去矣

世黃連羊肝丸治目翳從下上者從內眥出外者神效方見

內眥外眥

赤脈翳初從外眥入內者為少陽以少陽主半表半裏治

少陽宜和解

法宜和解之神仙退雲丸之類是也

垣神仙退雲丸治一切醫量內外障昏無睛者累効妙方

七

川芎

當歸各一兩半

犀角酒洗

枳實

川棟

蟬殼

甘菊

薄荷葉

不見火已

上各半兩

瓜蒌仁

生者蛇退六錢

密蒙花

荊芥蕙

各二錢此三味與甘草同焙乾去此草不用

地骨皮洗

白蒺藜

微炒去刺羌活

生地

酒洗焙乾各一錢

川木賊

一兩半去節童便浸一宿焙乾

右為細末煉蜜為丸每一兩分作十九米泔湯調服日

進二三丸食後婦人當歸湯下有氣者木香湯下使之

在人消息

本治諸眼患因熱病後毒氣攻眼生翳膜遮障服此藥逐

旋消退不犯刀針

青箱子

防風

枳殼各一兩

羌蔚子

細辛

各半兩

枸杞子

澤瀉

生地黄

石決明

各一兩半

黃連

車前子

川當歸

麥門冬

去心各二兩

右各如法修事焙乾為末煉蜜丸如桐子大每服三十丸飯飲吞下忌一切熱毒物

垣羌活退翳湯

羌活

二錢

防風

一錢

黃芩

半兩

柴胡

三錢

五味子

二錢

黃柏

五錢

芍藥

五錢

黃連

二錢

甘草

草龍膽

五錢

黃芪

三錢

升麻

二錢

歸身

二錢

石膏

二錢

右件剉如麻葉大水二盞分作二服煎至一盞入酒少

許去查臨臥熱服忌言語

消翳散一名龍膽飲子

青蛤粉兩半

羌活

龍膽草

黃芩

炒各三錢

蟬退

五分一錢

麻黃

半一錢

殷精草

兩半

升麻

二錢

川鬱金

兩半

甘草根

炙五錢

右為細末每服二錢食後溫茶調下

已上四方熱多者宜之

又方

川芎

羌活

旋覆花

防風

各二兩

甘草

蒼朮

油浸一夕去皮日乾不見火

楮實

楮葉

並八月採陰乾已上各一兩

甘菊

枳實

蟬退

木賊

各一分

右木曰中治為末茶清調下二錢早食後臨臥各一服治暴赤眼忌濕麪及酒楮實須真無實者取葉不爾諸

藥無效合時不得煇及犯鐵器予觀此方取楮葉必無實者蓋陰陽二合相匹配耳有實者陽也無實取葉者陰也所以不得真楮實者悉無效

羅五秀重明丸治眼翳膜遮睛隱澁昏花常服清利頭目

甘菊花

開頭五百箇

荆芥

五百

木賊

去節五百箇

楮實

五百枚

川椒

開口者五百粒

右爲細末煉蜜爲丸如彈子大每服一九細嚼時時咽

下食後噙化無時臨臥大忌酒麪熱物

已上二方無魚者宜之

卷下

翳膜者風熱重則有之或凝入眼此肝氣盛而發在表也翳膜已生在表明矣宜發散而去之若反疎利則邪氣內搐爲翳益深邪氣未定謂之熱翳而浮邪氣已定謂之冰瞤而沉邪氣牢而深者謂之陷翳當以煇發之物使其邪氣再動翳膜乃浮佐之以退翳之藥而能自去也病久者

久醫分新

不能速効宜以歲月除之

新醫所生表散方東垣羌活除醫湯有熱血虛者退雲九之類是也

保治水醫久不去者羚羊角散

羚羊角

升麻

細辛

各等分

甘草

半錢

右爲末一半煉蜜爲丸每服五七十九用一半爲散以泔水煎吞九子食後

炊發陷翳亦羚羊角散之類用之在人消息若陰虛有熱者兼服神仙退雲九

陰虛陽

垣補陽湯治陽不勝其陰乃陰盛陽虛則九竅不通令青

陰虛其

白翳見於大眇乃足太陽少陰經中鬱遏足厥陰肝經氣

不得上通於目故青白翳內阻也當於太陽少陰經中九原之下以益肝中陽氣衝天上行此當先補其陽後於足

太陽少陰標中瀉足厥陰肝經陰火乃次治也內經曰陰盛陽虛則當先補其陽後瀉其陰此治法是也每日清晨以腹中無宿食服補陽湯臨臥服瀉陰丸若天色變大寒大風并大勞役預日飲食不調精神不足或氣弱俱不得服候體氣和平天氣如常服之先補其陽使陽氣上升通於肝經之末利空竅於眼目矣

羌活

獨活

當歸身去蘆頭用稍黃酒先焙乾

甘草稍

熟地黃

人參去蘆

黃芪

白朮已上各一兩

澤瀉

陳皮去白各一兩

生地黃炒二錢

白茯苓去皮

知母炒黃色各五錢

柴胡去苗二兩

防風去蘆半兩

白芍藥兩半

肉桂去皮一錢

右同為麤末每服半兩水二大盞煎至一盞去渣溫服

空心使藥力行盡方許食

連栢益陰丸

羌活

獨活

甘草根炒

當歸身依前製

防風

五味子各半兩

黃連酒洗或伴剉

石決明

燒存性五錢

草決明

黃芩

黃栢

知母各一兩

右爲細末煉蜜丸如棗荳大每服五十丸漸加百丸止
臨臥清茶送下常以助陽湯多服少服此藥以此藥一
則妨飲食二則力大如升陽湯不可多服
升陽泄陰丸

羌活

獨活

甘草根

歸身

熟地各一兩

人參

黃芪

白朮各半兩

瀉澤錢三

白芍藥兩一

陳皮錢三

白茯苓

防風錢三

肉桂半錢

生地酒洗炒五錢

知母酒炒錢如大

暑加
一錢

楮實酒拌
半兩

柴胡去苗一
錢半

右咬咀每服五錢水煎熱服另合一料煉蜜丸如桐子
大食遠茶清送下五十九每日與前藥各一服不可飽
服如天氣熱甚加五味子三錢或半兩天門冬去心半
兩枳實亦加半兩

右上一三方合治一病空心補陽湯臨臥連栢丸食遠升
陽泄陰丸

滋陰地黃丸治內障兼右目小眦青白翳瞳子散大方見
內障
丹丈夫因勞力後兩眼上星右邊獨昏此熱傷血

白朮

歸身尾

生地

木通

黃連酒浸

黃芩炒

黃栢炒各
二兩

甘草炙一
錢

分三貼煎服大熱加白芍藥

醫從下而上諸方瀉青之類並見表
裏上條○醫除盡至期年月

除至
期復發
者有積
難方

日期復發者或間一月或二月一發皆為積治如脈滑者
宜溫白丸加黃連草龍腦如東垣五積法服之
百點膏張濟民眼翳以至遮瞳人視物不明如覺雲氣遮
障以此方治之

黃連

二錢以水一碗煎至半碗再入後藥

當歸

六分

甘草根

六分

防風根

八分

生仁去皮尖

一分

右剉如麻荳大雞仁另研如泥同熬滴入水中不散去
渣沫入好蜜少許再煎少時為度極要病人心淨點之
點至目微痛為度一日點五七次臨臥點尤妙名曰百
點膏但欲多點使藥力相續

羌活退翳膏治足太陽寒水膜遮左睛白翳上視物不明

椒樹

東南根西北根各二兩

麻黃

去節根三分

羌活

七分

黃連

三分

歸身

六分

防風

三分

柴胡

三分

生甘草分四

升麻分三

生地黄分三

漢防已分二

薤仁分六

葉本分二

右淨水一碗先煎漢防已黃連生甘草當歸身生地黄

煎至一盞入餘藥再煎至一盞去渣入銀磁器內熬稀

膏點之有力為度

退翳膏子治黑白翳

荆芥穗分一

黃連分三

生地黄分一

甘草分五

歸身分六

連翹分四

柴胡分五

升麻分三

防風分四

薤仁分三

青皮分四

細辛分一

右先用水半盞浸荆芥一處次將黃連生地黄甘草三味

用水一大碗煎至半碗用下餘七味同煎至一盞去渣

更上火熬至半盞入荆芥水二匙入蜜少許再煎令勻

點之神效

圓明膏治內障生翳及瞳子散大皆勞心過度飲食失節

柴胡

去苗五錢

麻黃

去節五錢

歸身

三錢

生地

半兩

黃連

去鬚五錢

甘草

二錢

訶子皮

濕帶裏二錢

右七味先以水二碗熬麻黃至一碗去沫外六味各咬咀如豈大篩去沫子秤入內同煎滴水中不散去渣沫入蜜少許再熬點之

右點方四皆東垣先生所製乃隨證立法非如泛常通用之方如瞳子散大用訶子收之之類也

保金絲膏點眼

生薑

取汁四兩

白蜜

煉去沫一斤

假猪膽汁

三錢

黃連

四兩

用水

一斗煎至五升

右先煎黃連水後入薑汁次入蜜同煎去沫淨入下項

腦子

硼砂

熊膽

各四錢

射香

青鹽

各三錢

輕粉

少許

鵬砂

二錢

右研細攪勻同煎令稀膏用之

羅金露膏

麝仁

一錢

黃丹

各一兩

黃連

半兩

蜜

六兩

右件先將黃丹入鍋中炒黃至紫入蜜攪勻下長流水四升以嫩柳枝頭七莖把定攪之次下麝仁候滾十數沸又下黃連用柳枝不住手攪旋至三升置籬內傾藥在紙上慢慢滴之無令塵汚如有瘀血加礪砂一錢上火煨開入煎管子內用

夜光丸治赤眼翳目昏花

宣黃連

訶子

去核各二兩

當歸

一兩

銅綠

一錢

右咬咀用河水三升同浸兩晝夜入銀磁器熬取汁再入文武火熬槐柳枝攪滴水成珠爲度

猴猪胰子

二箇先去脂以水洗換水無度令淨入黃連膏內煮黑色取出用之

蘆甘石

燒紅牌盡為度

黃連

四兩河水浸去查焙乾研細用

青鹽

六兩細研

蜜

一斤燈去查燒

梨

十枚去皮核絞取汁

右將梨汁甘石入膏子內熬五七沸次入青鹽用槐柳

枝攪褐色傾入磁瓮冷水內拔去火毒臘月合為妙正

月十一月次之餘月皆不可

濟蟾光膏治遠年目病不通道路去翳膜須用臘月成開

日合

白沙蜜

四兩色白者炒隔年蔥一枝去頭皮短切與蜜一同熬去白膜觀蔥軟熟為度以綿線濾

收取蠟面

黃丹

三錢水飛生用

蜜陀僧

三錢水飛生用

蘆甘石

煨過五錢淨水飛入前蜜中用桃柝各一

杏仁

湯炮去皮尖已

當歸

煨過五錢淨水飛入前蜜中用桃柝各一

赤芍藥

湯炮去皮尖已

杏仁

湯炮去皮尖已

黃連

去蘆頭淨二兩

川芎

半兩

秦皮

湯炮去皮尖已

訶子皮

防風

石膏

玄精石

井泉石

無名異

玄參

代赭石

石決明已上十五

味各三錢咬咀或雪水或長流河水五升銀器內
煮至二升濾去渣滓再煮至一升將十五味藥水傾
入前放下藥蜜一同慢火燉藥漿
金色時再添入後藥勿令火急

乳香

沒藥

琥珀

硃砂另研

麝仁脂去油用仁

已上五味各三錢前四味先研爛後入麝仁水飛一同
研細澄有渣再水飛打清再水飛方傾入前紫金藥內
一同復熬一二沸以藥滴於水中不散為度大抵勿令
過與不及取下土中埋七日取出置銀器中如法收貯
再添入後細藥傾入藥時亦用桃柳枝攪勻

南鵬砂

珍珠

龍腦

珊瑚枝四味各一

錢

麝香五分

右件五味研極細亦以桃柳枝攪勻傾入前藥中復攪

勻然後以帛封器盒口旋取用如有取不盡藥用淨水斟酌洗碗却將碗藥水熬三五沸另行收拾或洗眼或膏子藥稠了時傾入些少調解

右用桑柴燒共計二十九味

治療目熱生膚赤白膜取雀屎細直者人乳和付目上消爛盡○烏賊骨主目中一切浮翳細研和蜜點之又骨末治目中熱有效

丹治眼翳白皮索為繩日乾燒為灰研細點之自漸退妙○又方猪膽皮去汁熬為繩燒灰點之亦妙

東碧雲散治外障搗藥

麻黃根

歸身錢

乳香少

麝香

如少加乳香

右將當歸麻黃為炭末炒黑色入乳射研極細噲化搗入鼻中

摘鼻

薄荷

錢三

石膏

錢一

芒硝

川芎

各等分

細辛

錢二

蔓荊子

錢三

青黛

錢一

右爲末鼻內搐之

丹楊生娘患赤眼生膜似白星

秦皮

滑石

黃連

荊芥

歸頭

赤芍藥

各三錢

右分四貼煎洗仍教其莫洗浴止可洗脚

王治法以鵝翎截之近黑睛及當白睛眵之膜自聚上以

針鈎挽之割去卽見物以綿當眼着血斷三日瘥

東垣醫魏邦彥夫人目翳暴生從下而起其色綠腫痛不

可忍先師曰翳從下而上病從陽明是也綠非五方之正

色殆肺腎合爲病邪乃就畫家以墨臙粉合成色諦視之

與翳同色肺腎爲病無疑矣乃瀉肺腎之邪而入陽明之藥爲之使既効而他日病復作者三其所從來之經與翳色各異乃以意消息之曰諸脈皆屬於目脈病則從之此必經絡不調則目病未已也問之果然因視所不調者治之病遂不作

針灸外障並見目赤門

內障

在睛裏昏暗與不患之眼相似唯瞳人裏有隱隱青白者無隱隱青白者亦有之

氣虛則
目暴無
光

一老人病目暴不見物宅無所苦起坐飲食如故予曰太虛急煎人參膏二斤服二日目方見一醫與青礞石藥予曰今夜死矣不悟此病得之氣大虛今不救其虛而反用礞石不出此夜必死果至夜半死○一男子四十餘歲

形實平生好飲熱酒忽目盲脈瀼此因熱酒所傷胃氣汚濁之血死在其中而然也遂以蘇木作湯調人參膏飲之服二日鼻內兩手掌皆紫黑予曰此病退矣滯血行矣以四物加蘇木桃仁紅花陳皮煎調人參末服數日而愈○一男子五十五歲九月間早起忽開眼無光視物不見急就睡片時却能見人物竟不能辨其何人何物飲食減平時之半神思極倦脈之緩大四至之上重按則散而無力予作受濕治詢之果因臥濕地半箇月得此証遂以白朮爲君黃芪茯苓陳皮爲臣附子爲佐十餘貼而安

右三方治目不明皆爲氣脫而用人參追回者也經云上焦開發宜五穀味薰膚充身澤毛若霧露之漑是謂氣脫者目不明卽其証也

人參補胃湯治勞役飲食不節內障眼病此方神效

黃芪根

兩

人參

兩

甘草

錢八

蔓荊子

錢二

白芍藥

錢三

黃栢

錢三

酒炒四錢

次

右咬咀每服三四錢水一大盞煎至一盞去查稍熱服
臨臥三五服兩目廣大視物如常惟覺兩腳踏地不知
高下蓋火伏升發故也病減住服七日再服此藥宜春
間服之

益氣聰明湯治飲食不節勞傷形體脾胃不足內障耳鳴
或多年視物昏暗令目廣大久服無內障耳鳴耳聾之患
又令精神倍常飲食增倍身輕體健耳目聰明

黃芪

兩半

甘草

錢六

人參

兩半

升麻

錢三

葛根

錢三

蔓荊子

錢一

白芍藥

錢一

黃栢

錢一

酒洗四次

色炒黃

右咬咀秤二錢水二鍾煎至一鍾去查熱服臨臥服五

更再煎服之得睡更妙如煩亂或有熱春月漸加黃栢
夏月倍之如脾胃弱去之熱減亦少用但有熱或麻木
或上壅頭目三兩服後其熱皆除又治老人腰以下沉
重疼痛此藥久服治人上重反有精神兩足輕浮不知
高下空心服之或少加黃栢輕浮自減小兒減服多則
壅滯若治倒捷去黃栢芍藥忌煙火酸物

圓明內障升麻湯治內障得之脾胃元氣衰弱心火與三
焦俱盛為此疾劉舜卿因南征飲食失節形體勞役心不
得休息眼疾復作今擬此方服之效

柴胡根

錢七

羌活根

半兩

防風根

半兩

白朮

甘草

錢七

歸根

酒洗

升麻根

各一兩

白芍

錢六

乾薑

錢一

五味子

錢二

人參

葛根

黃芪

各一兩

白茯苓

錢三

右咬咀每服五六錢水三大盞煎至二盞入黃芩黃連

湯二錢同煎數沸去渣煎至一盞其後熱服

黃芩黃連湯

一方有升麻五錢柴胡一兩

黃芩

酒洗炒一兩

黃連

去鬚酒洗炒七錢

草龍膽

一兩酒洗炒四次

生地

酒洗一兩

右咬咀每服二錢入水二盞煎數沸去渣再煎至一盞

熱服午後晚間俱不可服唯午飯時服之方效

復明散治內障

黃芪

半錢

川芎

分五

柴胡

連翹

甘草

炙各一錢

歸身

二錢

蒼朮

分五

生地

一錢

陳皮

分五

黃柏

分三

右剉如麻苳大每作一服水二大盞煎至一盞去渣稍

熱服食後忌酒濕麪辛熱大料之物

右四方治目不明皆氣虛而未脫故可與參芪中微加連栢若氣既脫則黃栢等涼劑不可施經云陽氣者煩勞則張精絕目盲不可以視耳閉不可以聽之類是其證也

血虛則睛散大視物花之也

內障瞳子散大論并方腎主骨之精為瞳子散大者因腎水虛骨枯而心包絡之火得以乘

也○凡心包絡之脈出於心中代心君行事也與少陽為表裏瞳子散大者少陰心之脈挾目系厥陰肝之脈連目系心主火肝主木此木火之勢盛也其味則宜苦宜酸宜涼大忌辛辣熱物是瀉木火之邪也飲食中常知此理可也
以諸辛主散熱則助火故不可食諸酸主收心氣瀉木火也諸苦瀉火熱則益水也尤忌食冷水大寒之物此物能損胃氣胃氣不行則元氣不生元氣不生緣胃氣下陷胃中三焦之火及心火乘於肺上入胃灼髓火主散益瞳

子之散大者以此大熱之物直助火邪尤爲不可食也藥
中去茺蔚子以味辛及主益肝是助火也故去之加黃芩
半兩黃連三錢黃連瀉中焦之火黃芩瀉上焦肺火以酒
洗之乃寒因熱用也亦不可用青箱子爲助陽火也更加
五味子三錢以收瞳人之散大也且火之與氣勢不兩立
故經曰壯火食氣氣食少火少火生氣壯火散氣諸酸物
能助元氣孫真人云五月常服五味子助五臟氣以補西
方肺金又經云以酸補之以辛瀉之則辛瀉氣明矣或以
藥中有當歸其味亦辛甘而不去何也此一味辛甘者以
其和血之聖藥也况有甘味又欲以爲鄉導爲諸藥之使
故不去也

熟地黃丸治血弱氣虛不能養心致火旺於陰分瞳子散
大少陰爲火君主無爲不行其令相火代之與心包絡之

脈出心系分為三道少陽相火之體無形其用在其中矣
 火盛則能令母實乙木肝旺是也其心之脈挾目系肝之
 脈連目系况手足少陽之脈同出耳中至耳上角斜起終
 於目外小眥風熱之盛亦從此道來上攻頭目致偏頭腫
 悶瞳子散大視物昏花血虛陰弱故也法當養血涼血益
 血收火散火而除風熱則愈矣

熟地一兩 歸身酒洗五錢 柴胡去苗八錢 天門冬去心焙三錢

錢 人參去蘆二錢 甘草炙二錢 地骨皮三錢

黃芩半兩 枳殼炒二錢 五味子三錢 生地黃七錢

浸焙 黃連三錢

右為細末煉蜜丸如菉葦大每服一百丸茶湯送下食
 後日二服制之緩也大忌辛辣物而助火邪及食寒冷
 物損其胃氣藥不上行也又一論云瞳子黑眼法於陰

由食辛熱之物助火乘於胃中其睛故散睛散則視物亦大也

益陰腎氣丸 此壯水之主以鎮陽光也

山茱萸

取皮一兩 茯苓神二錢半 去皮心

五味

錢五

熟地

二兩

乾山藥

錢五

澤瀉

二錢半

牡丹皮

錢五

生地

酒洗焙乾一兩

歸稍

酒洗五錢

右為細末煉蜜丸如桐子大硃砂為衣每服五七十九

淡鹽湯送下

滋陰地黃丸治內障右眼小眚青白翳大眚亦微顯白翳

腦痛瞳子散大上熱惡熱大便澀後痞難小便如常遇熱

煖處頭疼暗脹能食日沒後天陰暗則昏此症可服熟地

黃丸翳在大眦加葛根升麻翳在小眦加柴胡羌活

熟地

錢八

生地

酒洗半兩

歸身

酒洗半兩

知母

酒洗炒三錢

丹參半兩

黃柏酒浸焙半兩

芍藥一兩

防已酒洗焙二錢

羌蔚子半兩

牡丹皮三錢

寒水石一錢生用 柴胡半兩

黑附錢一

川芎錢二

右為細末煉蜜丸如小荳大空心五十九白湯下如宿食未消候飢時服之餌後忌言語隨後食壓之

保當歸湯治翳補益瞳子散大

歸身

黃芩各錢

黃連

地黃各錢三

柴胡錢一

芍藥錢二

甘草錢三

右水煎臨臥服

羅甘菊花丸治男子腎臟虛弱眼目昏暗或見黑花常服明目煖水臟活血駐顏壯筋骨

甘菊花

去土二兩 枸杞兩四

熟地兩三

乾山藥兩半

右為細末煉蜜丸如桐子大每服三四十丸空心食後

各一服溫水下

瑞竹四神丸治腎經虛損眼目昏花補虛益損及兩眼雲翳遮睛

甘州枸杞

一斤揀去白膜青燒者一兩分作四分一兩四錢用乳

香茴香各一兩炒川椒一兩炒一兩四錢用乳蘇一

合炒炒時先用好酒一盞將枸杞淘過

右件炒過將川椒等四味篩去不用止用枸杞子加熟地白朮茯苓各一兩同為細末煉蜜為丸如桐子大每服五七十九空心溫酒送下加甘菊一兩尤妙

右地黃枸杞補腎例按瞳子散大不當用羌蘇川芎附子今東垣滋陰地黃丸兼用者蓋有外障大小皆之腎故也

保柴胡散明目益腎水

柴胡

羌活

防風

生地

芍藥

甘草各等分

右為麤末水煎臨臥服

脾受邪者血病

東垣云肝木旺則火之勝無所畏懼而妄行也故脾胃先受之或病目而生內障者脾衰血胃主血心主脈脈者血之腑也或曰心主血又云脈主血肝之竅開於目也治法亦前

熱地黃丸之類是也

氣血虧者目昧

河目昧不明熱也然玄腑者無物不有人之臟腑皮毛肌

肉筋膜骨髓牙爪至於世之萬物盡皆有之乃氣出入升降之道路門戶也人之眼耳鼻舌身意神識能為用者皆升降出入之通利也有所閉塞者不能為用也若目無所見耳無所聞鼻不聞臭舌不知味筋痿骨痺爪退齒腐毛髮墮落皮膚不仁腸胃不能滲泄者悉由熱氣怫鬱玄腑閉密而致氣液血脈榮衛精神不能升降出入故也各隨

鬱結微甚而爲病之輕重故知熱鬱於目則無所見也故目微昏者至近則轉難辨物由目之玄府閉小如隔簾視物之象也或視如蠅翼者玄府有所閉合者也或目昏而見黑花者由熱氣甚而發之於目亢則害承乃制而反出其泣氣液眯之以其至近故雖微而亦見如黑花也

誠哉河間斯言也目盲耳聾鼻不聞臭舌不知味手足不能運用者皆由其玄府閉塞而神氣出入升降之道路不通利故先賢治目昏花如羊肝丸用羊肝引黃連等藥入肝解肝中諸鬱蓋肝主目肝中鬱解則目之玄府通利而明矣故黃連之類解鬱熱也椒目之類解濕熱也羌活之類解氣鬱也芎歸之類解血鬱也木賊之類解積鬱也羌活之類解經鬱也磁石之類解頭鬱墜邪氣使下降也蔓菁下氣通中理亦同也凡此諸劑皆

治氣血鬱結目昏之法而河間之言信不誣矣至於東垣丹溪治目昏用參芪補血氣亦能明者又必有說通之蓋目主氣血盛則玄腑得利出入升降而明虛則玄腑無以出入升降而昏此則必用參芪四物等劑助氣血運行而明也

羊肝丸三方又散一方並見肝條治肝中諸鬱目昏如神本治久年眼生黑花不明者

椒目

炒一兩

蒼朮

炒二兩

右件爲末醋糊丸如桐子大每服二十九丸醋茶送下不過十日取效

丹溪云椒目行滯道不行也

外補肝散治三十年失明蒺藜子七月七日收陰乾搗散飲食後水服方寸匕

崔但臆子不壞者療十得九愈

葶藶子六升蒸之看氣遍

內障取
足厥陰
太陽手
少陰

用甌下釜中熱湯淋蒸乾還淋如是三遍即取杵篩為末
食上清酒調二錢送下日再服本草云蔓菁子下氣利五
臟入利大便通中益氣
經治虛勞目暗昧三月蔓菁花陰乾為末以并花水空心
調下二錢七久服長生

世五福還瞳丹治目白翳赤石脂川椒二味同炒辰砂茯
神乳香束肉為丸如桐子大空心溫酒下百丸十服見効

按內障先患一旦次第相引兩目俱損者皆有翳在黑
睛內遮瞳子而然今詳通黑睛之脈者目系也目系屬
足厥陰足太陽手少陰三經蓋此三經臟腑中虛則邪
乘虛入經中鬱結從目系入黑睛內為翳龍木論所謂
腦脂流下作翳者即是太陽之邪也所謂肝氣衝上成
翳者即是厥陰之邪也故治法以針言之則當取三經
之腧穴如天柱風府太衝通里等穴是也其有手巧心

審諦者能用針於黑眼裏探其翳為効尤捷也以藥言之則當補中疎通此三經之鬱結使邪不入目系而愈今集龍木論并方于後

龍木論羚羊角飲子治圓翳內障不痛不痒

羚羊角

細辛

知母

車前子

人參

黃芩

防風

車前子

右為末每一錢以水一盞煎至五分食後去渣溫服之

補肝散治肝風內障不痛不痒眼見花發黃白黑赤或一

物二形

羚羊角

防風

羌活

車前子

人參

茯苓

細辛

玄參

黃芩

炒各一兩

右為末食後調服一錢米飲湯下

羚羊角散治綠風內障頭旋目痛眼內痛澀者

羚羊角

防風

知母

人參

茯苓略一兩

玄參

黃芩

桔梗略一兩

細辛三兩

車前子一兩

右為末以水一盞散一錢煎五分食後去渣溫服

羚羊角湯治青風內障勞倦加昏重頭旋腦痛眼內痛澀者

羚羊角

人參

玄參

地骨皮

羌活略一兩

車前子一兩半

右為末以水一盞散一錢煎至五分食後去渣溫服

右四方皆羚羊角玄參細辛羌活防風車前子為君蓋

羚羊角行厥陰經藥也丹溪云羚羊角入厥陰經甚捷

是也玄參細辛行少陰經藥也海藏云玄參治空中氣

血之氣無根之火為聖藥也羌活防風車前子行太陽經藥也如筋脈枯澁者諸方中更加夏枯草能散結氣有補養厥陰血脈之功嘗試之有驗然此諸方又當悟邪之所在若氣脫者必與參膏相半服之氣虛者必與東垣補胃人參湯益氣聰明湯之類相半服之血虛者必與熟地黃丸之類相兼服之更能內觀靜守不干塵累使陰氣平伏方許作効

蘆薈丸黑水凝腎內障不痛不痒微有頭旋脈瀉者

蘆薈

甘草各一

人參

牛膽各半

栢子仁

細辛各一

羚羊角

二兩

右為末煉蜜為丸如栢子大空心茶下十九

隊翳丸治偃月翳寒花翳等病微有頭旋額痛者

青羊膽

青魚膽

鯉魚膽

各七箇

熊膽一分

牛膽半斤

麝香少

石決明

右為末麪糊丸如桐子六空心茶下十九

除風湯治五風變成內障頭旋偏腫痛瞳人結白者

羚羊角

車前子

芍藥

人參

茯苓

大黃

黃芩

芒硝各一兩

右為末水一盞散一錢煎至五分食後去渣溫服

礞石丸治雷風內障頭旋惡心嘔吐

礞石

燒赤醋

五味子

牡丹皮

乾薑

玄參

各一兩

附子

炮半兩

右為末煉蜜丸如桐子大食前茶下十九

末治目方用黃連多矣而羊肝丸尤奇異用黃連末一兩

白羊肝一具去膜同於砂盆內研令極細衆手撚為丸如

桐子大每服以溫水下三十丸連作五劑但是諸眼目疾

及障翳青盲皆治忌猪肉冷水唐崔承元為官治一死囚
出活之後數年以病且致死一旦崔為囚障所苦喪明逾
年後半夜獨坐自歎忽聞堦除窸窣之聲崔問是誰徐曰
昔年蒙恩活囚也今來報恩遂將此方告訖而沒依此合
服不數月眼復得明

又方治內障

白羯羊肝

只用于肝一片熟地一兩
薄切新九上焙

兔絲子

蕤仁

車前子

麥門冬

地膚子去

澤瀉

防風

黃芩

白茯苓

五味子

桂心

杏仁炒

細辛

枸杞子

羌蔚子

苦苣藤

青箱子各一兩

右為細末煉蜜丸如桐子大每服三四十丸溫水下日

三服不拘時候張臺卿嘗苦目暗京師醫者令灸肝俞

遂轉不見物因得此方眼目遂明一男子內障醫治無效因以餘劑遺之一夕燈下語其家曰適偶有所見如隔門縫見火者及旦視之眼中醫膜俱裂如線張云此藥靈勿妄與人忽之則無驗予益信之且欲廣其傳也經云肝虛則目眈眈無所見耳汨汨無所聞善恐如人將捕之狀海藏云目瞑肝氣不治也

肝氣虛

又鎮肝明目羊肝丸

羯羊肝

一具新瓦盆中煑了更焙之肝大止用一半

甘菊

羌活

栢子仁

細辛

官桂

白朮

五味子

各半兩

黃連

三分

右為細末煉蜜丸如桐子大空心食前溫水下三四十丸

千補肝散治目失明方

青羊肝一具去膜薄切之以新瓦瓶子未用者入肝於中炭火炙之為極細末

蓼子一合熬令香

右為末食後服方寸七日二加至三七不過一二劑能

一歲服可夜讀細書

治目眵眵無所見方用青羊肝一具細切以水一斗銅器

中煮以麪餅覆上上鑽兩孔如人眼大以日向就薰不過

再薰即瘥

肝血不足
濟養肝丸治肝血不足眼目昏花或生眵淚

當歸酒洗 車前子酒蒸 防風去蘆 白芍藥

麴仁另研 熟地酒蒸 川芎 枳實各等分

右為末煉蜜丸如桐子大每服七十九丸熟水送下不拘

時

本素問云久視傷血血主肝故勤書則傷肝主目昏肝傷

則自生風熱氣上騰致目昏亦不可專服補藥但服益血
鎮肝明目藥自愈

熟地黃丸

熟地半兩

黃連

決明子

各一兩

沒藥

半兩

甘菊花

二兩 防風

羌活

各一兩

桂心

五錢

硃砂

五錢

右為細末煉蜜丸如桐子大每服三十九丸熟水下食後

日三服

膽熱

手明目髮不白落方用牛膽浸槐子陰乾百日食後每日
吞一枚十日身輕三十日白髮再黑百日通神

膽移熱於腦則辛頰鼻淵傳為衄血瞑目

全文見診

腎虛

經云腎足少陰之脈是動則病坐而欲起目眈眈如無所
見○又云少陰所謂起則目眈眈無所見者陰內奪故目

眩暈無所見也此蓋房勞目昏也

左腎虛

治瞳子散大諸方並見前陰虛睛散大視物花條

東益本滋腎丸

必與前陰虛睛散大條相兼服

黃柏

去皮挫碎酒洗炒

知母

去毛挫碎酒洗炒各等分

右為極細末滴水丸如桐子大每服一百五十九熱湯

送下空心服服後以乾物壓之

右腎虛

酒補腎丸治腎氣不足眼目昏暗瞳人不明漸生內障

磁石

煑醋煑七次水飛過

兔絲子

酒蒸二次各二兩

五味子

熟地酒蒸

枸杞子

楮實子

覆盆子

酒浸

肉蓯蓉

酒浸

車前子

酒蒸

石斛

去根各一兩

沉香

青鹽二味別研各半兩

右為末煉蜜丸如桐子大每服七十九空心鹽湯下

補腎丸

千神麴丸主明目百歲可讀細書

神麴兩

磁石煑醋滓七

光明砂水飛

右為末煉蜜丸如桐子大每服五丸米飲下食前日三

服常服益眼力此方神驗不可具述

外治積年目失明不識人决明子二升杵散食後以粥飲

服方寸七本草云决明子微寒助肝氣益精水

千白瓜子七升絹袋盛攪沸湯中三偏暴乾以酢五升浸

一宿暴乾為末酒調方寸七服日三服之至百日可夜讀

書本草云白瓜子平寒外臺名補肝散主五勞七傷酢酸入肝

運氣目昏有四

一曰風熱經云少陰司天之政風熱參政雲物沸騰太陰

橫流寒乃時至往復之作民病鼙瞑此風熱參布目昏也

二曰熱經云少陰在泉熱淫所勝病目瞑治以鹹寒此熱

勝目昏也

三曰風又云歲水不及濕乃大行復則大風暴發目視眊眊此風勝目昏也、

四曰燥經云陽明司天燥淫所勝目昧眚瘍治以苦熱是也、

本讀書之苦傷肝損目誠然晉范甯嘗苦目痛就張湛求方湛戲曰古方宋陽子少得其術以授魯東門伯次授左丘明遂世世相傳以及漢杜子夏晉左太冲凡此諸賢並有眼目疾此方用損讀書一減思慮二專內視三簡外觀四宜起晚五宜早眠六凡六物燉神火下以氣簾蘊於胸中七日然後納諸方寸修之一年近能數其目睫遠視尺筮之餘長服不已洞見牆壁之外非但明目乃亦延年醫如是而行非可謂嘲戲亦奇方也、

羅省郎中張子敬年六十七歲病眼目昏暗微黑色皮膚

不澤六脈弦細而無力一日出示治目二方問予可服否
予曰此藥以黃連太苦之藥爲君諸風藥爲使且人年五
十膽汁減而目不明內經云土位之主其瀉以苦瀉風藥
亦能瀉土年六十脾胃虛而皮肉枯重瀉其土使脾胃虛
而不能營運榮衛之氣滋養元氣胃氣不能上行膈氣吐
食諸病生矣又况年高衰弱此藥不可服只宜慎言語節
飲食懲忿窒慾此不治之治也子敬以爲然明年春除關
西路按察司三年致仕還精神清勝脈遂平和此不服寒
涼之劑也內經云誅伐無過是謂大惑解之可也

靈黃帝曰人之哀而涕泣者何氣使然岐伯曰心者五臟
六腑之主也目者宗脈之所聚也上液之道也口鼻者氣
之門戶也故悲哀愁憂則心動心動則五臟六腑皆搖搖
則宗脈感宗脈感則液道開液道開故涕泣出焉液者所

針灸

以灌精濡空竅者也故上液之道開則泣泣不止則液竭
液竭則精不灌精不灌則目無所見矣故命曰奪精補天
柱經俠頸俠頸謂頸中分也

針灸內障有四法此篇是其一也

其二取肝經曰肝虛則目眈眈無所見善恐取其經厥陰
與少陰取血者是也

其三取腎經云腎是少陰之脈是動則病目眈眈無所見
視寒熱虛實取之也

其四取陽蹻經云邪之所在皆爲不足上氣不足目爲之
瞑補足外踝下留之是也

玉眼久病昏花 肝膈一分沿皮向外一寸半補三呼 三里一寸瀉十及

童子宛

子和戴人女僮至西華自急暴盲不見物戴人曰此相火

也太陽陽明氣血俱盛乃刺其鼻中攢竹穴與項前五穴
大出血目立明

甲青盲遠視不明承光主之○瞳子癢遠視昏眈眈夜無
見目潤動與項口相參引喝僻口不能言刺承泣目瞑
身汗出承漿主之

撮要眼無光○商陽一分沿皮向後三分湯之灸

甲青盲商陽主之○眈目目眈眈偏歷主之○眈目目眈
眈少氣灸手五里左取右右取左○目瞑遠視眈眈目窻
主之○青盲眈目惡風寒上關主之

金針開
山障法
龍木論內障根源歌

不疼不痛漸昏濛

薄霧輕烟漸漸濃

或見蛇飛花亂出

或如絲絮在虛空

此般狀樣因何得

肝臟停留熱與風

大叫大啼驚與恐

腦脂流入黑睛中

初時一眼先昏暗

次第相牽與一全

苦口何須陳逆耳

只緣肝氣不相通

此時服藥宜銷定

將息多乖卽沒功

日久旣應全黑暗

時名內障障雙瞳

名字隨形分十六

龍師聖者會推窮

靈藥這回難得効

金針一撥日當空

強脩將息依前說

莫遣依前病復踪

針內障眼法歌

內障由來十六般

學醫人子審須看

分明一一知形狀

下針方可得安然

若將針法同圓翳

誤損神光取瘥難

冷熱光明虛與實

調和四體待今安

不然氣悶達將息 嘔逆勞神翳却翻
咳嗽震頭皆未得 多驚先服鎮心丸
若求涼藥銀膏等 用意臨時體候看
老翳細針初復嫩 針形不可一般般
病虛新產懷娠月 下手總知將息難
不雨不風兼皓月 清齋三日在針前
安心定意行醫道 念佛親姻莫雜喧
患者向明盤膝坐 提撕腰帶得心安
針者但行醫舊路 惻隱之情實善緣
有血莫驚須住手 裹封如舊再開看
忽然驚振醫重下 服藥三旬見朗然
七日解封難見日 花生水動莫它言
還睛丸散堅心服 百日分明復舊根

針內障後法歌

內障金針針了時

醫師言語要深知

綿包黑豆如毬子

眼上安排日係之

臥眠頭枕須安穩

仰臥三朝莫厭遲

封後忽然微有痛

腦風牽動莫它疑

或針或絡依經法

痛極仍將火慰之

擬吐白梅含咽汁

吐來仰臥却從伊

起則恐因遭努損

雖然希有也須知

七朝鼓粥溫溫食

震着牙開事不宜

大小便時須緩緩

無令自起與扶持

高聲叫喚言多後

驚動睛輪見雪飛

如此志心三十日

漸行出入認親知

狂心莫憶陰陽事

夫婦分牀百日期

一月不須臨洗面 針痕濕者痛微微

五腥酒麪周年斷 服藥平除病本三

右龍木論金針開內障大法謹按其法初患眼內障之時其眼不痛不澁不痒頭不旋不痛而翳狀已結成者宜金針撥去其翳如撥雲見日而光明也今具其畧于後

開內障圖

圓翳初患時見蠅飛花發垂蟻薄烟轉露先患一眼次第

針一撥○滑翳翳如金針撥之○油翳翳如金針撥之○浮翳

藏形暗之深處細看○橫翳橫如劍在兩邊薄中央厚宜

方見宜針深撥之○針于中央厚處撥之已上五

翳皆先患一目向後但損初患之時其眼痛甚頭旋有翳

雖有翳狀亦難針撥○水翳初患時頭旋額痛者眼向後翳如水

針輕撥之○水翳初患時頭旋額痛者眼向後翳如水

刺堅白宜于所過經脈針其俞○偃月翳初患時微淚如頭

穴忌出血宜針按動不宜強撥○偃月翳初患時微淚如頭

目次第損虛俱損翳一半厚
一半薄宜針先從厚處撥之
○東花翳初患時歲有頭旋
痛先患一眼向後俱翳週迴如絲齒輕輕
撥去莫留短脈兼于所過之經針灸其胎
○散翳點作青
針撥之○黑水凝翳初患時頭旋眼滿見花黃黑
○驚振
翳頭腦被打築惡血流入眼內至二三年成翳
翳白色先患之眼不宜針牽損後患之眼宜針之
雖不痛不痒其翳黃色紅色者不宜針撥翳狀破散者不
宜針撥中心濃重者不宜針撥撥之不動者曰死翳忌撥
獨白翳黃心宜先服藥後針之若無翳者名曰風亦不宜
針

白翳黃心翳四邊白中心黃者先眼速翳散次針足經所
○烏風無翳但瞳人小三五年內結成翳青白向○肝風
無翳眼前多見虛花或白或黑或赤或黃或
見一物二像二眼同患急宜補治切忌勞勞
○五風變初
時頭旋額痛或一目先患或因○綠風初患時頭旋額角
嘔吐雙目俱眩瞳子白如雲
○黑風初患時頭旋額
鼻頰骨痛眼內滿溢先患一眼向○黑風初患時頭旋額
後俱損無翳目見花或紅或黑

頰骨痛眼內痛蓋先患一眼○青風初患時微有痛澁頭向後俱損無翳眼見黑花○雷頭風變初患時頭旋惡心嘔吐先患一後俱損無翳○雷頭風變目次第相連俱損瞳人或大或勞能加昏重○雷頭風變目次第相連俱損瞳人或大或小凝脂結白

能遠視不能近視 能近視不能遠視

陰虛不能近視

東能遠視不能近視者陽氣有餘陰氣不足也乃血虛氣盛血虛氣盛者皆火有餘元氣不足火者元氣穀氣真氣之賊也元氣之來也徐而和細細如線邪氣之來也緊而強如巨川之水不可遏也

海目能遠視責其有火不能近視責其無水法當補腎、遠地芝丸治目不能近視能遠視及大厲風成癩悉皆治之

生地焙四兩

天門冬去心四兩

枳殼炒二兩

甘菊花去皮二兩

右同為細末煉蜜丸如桐子大每服一百丸茶清送下

陽虛不能遠視

溫酒亦下食後六味地黃丸亦治此症

能近視不能遠視者陽氣不足陰氣有餘乃氣虛而血盛也血盛者陰火有餘也氣虛者元氣衰弱也此老人桑榆之象也

海目能近視責其有水不能遠視責其無火法宜補心

東定志丸

出方局

治眼不能遠視能近視者

遠志

去心二兩

人參

一兩

白茯苓

去皮一兩 葛蒲

二兩

右為末煉蜜丸硃砂為衣每服十九丸加至二十九

雀目

日落即不見物

濕痰

無蛤蚧丸治雀目日落不見物

蛤粉

細研

黃蠟

等分

右溶蠟搜粉為丸如東大每用猪肝一片二兩許批開裏藥一丸麻線纏入瓮內水一碗煮熟取出乘熱薰目

至温吃肝以愈為度神効、

千雀目方

地膚子

五錢

決明子

一升

右二味為末以米飲汁和丸食後服二十九至三十九
日日服至瘥止、

世治雀目用蒼朮四兩米泔水浸一宿切作片焙乾為末
每服三錢猪肝二兩批開糝藥在內用麻線繫定粟米一
合水一碗砂鍋內煮熟熏眼候温臨臥服之大効、

聖治雀目眼不計時月用蒼朮一兩搗羅為末每服一錢
不計候

針灸

心雀目不能夜視 神庭 上星 前頂 百會

各出血

立 又法 照海 肝俞

目淚不止

火氣燭目淚出

素厥則目無所見夫人厥則陽氣并於上陰氣并於下陽并於上則火獨光也陰并於下則足寒足寒則脹也夫一水不勝五火故目皆盲是以氣衝風泣下而不止夫風之中目也陽氣內守於精是火氣燭目故見風則泣下也有以比之夫火疾風生乃能雨此之類也張解情微論子和凡風衝淚出俗言作冷淚者非也風衝于內火發于外風熱相搏由是淚出內外皆治可愈治外以貝母一枚白膩者加胡椒七粒不犯銅鐵研細臨臥點之治內以當歸飲子服之

當歸

大黃

柴胡

人參

黃芩

甘草

芍藥

滑石

右切碎每服三錢至五錢水一盞生薑三片同煎七分去渣溫服

寒濕積
滯淚出

肝為淚

全文見五臟

垣水附木勢上為眼澁為眵為冷淚此皆由肺金之虛而肝木寡於畏也

孫英宗朝國婆婆患眼冷淚眼科醫官治二三年不能療上召孫孫至曰臣非眼科但有藥耳容進方用石決明一兩赤小豆一兩半半夏五錢生班猫二十一粒炒去頭足木賊五錢為末薑汁九如桐子大每服二十九粒湯下方進聖旨下眼科詳定眼科醫官奏曰此方於眼科甚不相涉班猫有毒恐傷臟腑不敢用合再取聖旨國婆婆聞之曰眼科醫官不惟不能亦不愿使我治也但合此藥總傷無怨上聞之孫自進藥服經十餘日愈八分二十日全愈時眼科並降兩官孫賞錢三十萬銀海止淚方

汗多決
出者風
寒入胃

經云風氣與陽明入胃循脈而上至目內眥則寒中而泣
出此中風寒淚出也

蒼朮

米泔浸一兩半木賊去節二兩

香附子

炒去毛

右為末煉糊丸如桐子大食後鹽湯下三九

河當歸湯治風邪所傷寒中目淚自出肌瘦汗不止

當歸

人參各三兩

官桂一兩

乾薑炮

白朮

白茯苓

甘草

川芎

細辛

白芍藥

各半兩陳皮一兩

右為末每服二錢水一盞生薑三片棗二枚同煎至八

分去渣熱服不計時併三服

勞

本治頭風冷淚龍安常二方

甘菊

決明子

各二錢

白朮

羌活

川芎

細辛

白芷

荆芥穗

各半兩

右為細末每服一錢溫湯調下食後日三服、

又方

川芎

甘菊

細辛

白朮

白芷

以上各等分

右為末蠟丸如黍米大夜臥服一九日中一時辰換一丸、

本治風盛隔壅真寒清涕熱氣攻眼淚多眩齒間緊急作頭痛川芎丸

川芎

柴胡各一兩

半夏麩

甘草炙

甘菊

人參

前胡

防風各半兩

右每服四錢水一盞生薑四片薄荷五葉同煎七分去渣溫服

靈五臟六腑心為之主耳為之聽目為之視肺為之相肝

為之榮脾為之衛腎為之主外故五臟六腑之津液盡上
滲于目心悲氣并則心系急心系急則肺舉肺舉則液上
溢夫心系與肺不能常舉乍上乍下故欬而泣出矣

丹婦人患眼眵不思食四物湯加白朮陳皮黃芩連翹分
六貼煎食前熱服又灸合谷

肝治眼淚出不止用黃連濃漬綿乾拭目

山風淚眼九節黃連和槐樹皮灰雄末煨湯澄清頻洗

垣神効明目湯連翹飲子治淚不止二方並見
制捷率毛

運氣
運氣淚出皆從風熱經曰厥陰司天之政三之氣天政布

風乃時舉民病泣出是也

針灸

集迎風冷淚眵膜黑花 大骨空小骨空如上法灸
之吹火滅 二

間一分滿皮向後 灸谷針

風沿爛眼

風熱

丹風沿眼系上隔有積熱自飲食中挾怒氣而成頑痰痞塞濁氣不降清氣不上升由是火益熾而水益降積而久也眼沿因膿潰而腫於中生細小虫絲逐年久不愈而多痒者是也用紫金膏以銀釵脚揩去油膩點之試問若果痒者又當去虫以絕根本蓋紫金膏止是去濕與去風涼血而已若前所謂飲食挾怒成痰又須更與防風通聖散去硝黃為細末以酒拌勻晒乾依法服之禁諸厚味及大料物方盡諸法之要

紫金方未詳即蘭室秘藏眼目門還睛紫金丹是也

防風通聖散

方見

世蘆甘石散治爛風眼以蘆甘石不拘多少先用童便煨七次次用黃連濃煎汁煨七次次用谷雨前茶清濃煎煨七次又併三汁餘者一處再煨三次然後安放地上一宿出火氣細細研入冰片射香點上神妙蘆甘石煨時須用

好紫銷炭極大者鑿一穴以安蘆甘石

再治風沿爛眼二蚕沙用香油浸月餘重綿纏過點之愈
久愈效

世紫金膏用水飛過號丹蜜多水少文武火熬以器貯點
之

保治眼赤腫以青泥蛆淘淨晒乾末之仰臥合目用藥一
錢放眼上須臾藥行待少時去藥赤腫自無

針灸

東垣目眶赤爛歲久俗呼赤睛是也常以三稜針刺目外
以洩濕熱立愈

撮要風弦爛眼

大骨空

在手大指第二節尖灸九壯以口吹火滅

小骨空

在手小指第二節尖灸七壯亦吹火滅

倒睫拳毛

陽虛

眼睫毛倒入眼中央是也

垣神効明目湯治眼楞緊急致倒睫拳毛損目及上臉皆赤爛睛亦疼痛昏暗目則冷淚長流夜則眼眵滿眼

葛根一錢半 甘草根二錢 防風根一錢 蔓荊子五分

細辛根三分

又一方加黃芪根一錢

右咬咀作一服水一盞八分煎至一盞去查稍熱臨臥服効

防風飲子治倒睫拳毛

黃連炒 甘草炙 人參各一錢 葛根

防風各五分 歸身一錢半 細辛葉 蔓荊子各三分

右剉如麻豆大都作一服水二大盞煎至一盞去查溫服食後避風寒濕熱處眠之

神効黃芪湯治渾身麻木不仁及兩目緊急縮小羞明畏

目或隱澁難開或視物無力睛痛昏花手不得近或目少
睛光或目中熱如火服五六次神効

黃芪二兩 人參去蘆 甘草一兩 蔓荊子錢二

白芍藥一兩 陳皮半兩

右吹咀每服四五錢水一盞八分煎至一盞去渣臨臥
稍熱服如小便淋澁加澤瀉五分如有大熱證加黃柏
三錢酒浸四次炒如麻木不仁雖有熱不用黃柏再加
黃芪一兩如眼縮小去芍藥忌酒醋濕麵大料物蔥韭
蒜及淡滲生冷硬物如麻木重甚者加芍藥一兩木通
一兩

撥雲湯戊申六月徐總官患眼疾於上眼皮下出黑白翳
二箇隱澁難開兩目緊急而無疼痛兩手寸脈細緊按之
洪大無力知足太陽勝流為命門相火煎燉逆行作寒水

翳及寒膜遮睛與下項一服神効外證呵欠善悲健忘噤
噴時自淚下面赤而白能食不大便小便數而欠氣上而喘

黃芪分七

細辛分五

柴胡分七

生薑

荊芥錢一

防風錢一

羌活錢一

藥本錢一

甘草錢一

升麻錢一

葛根分五

川芎分五

知母錢一

黃柏錢一

歸身錢一

右剉如麻豆大作一服水二大盞煎至一盞稍熱服

連翹飲子治目中溜火惡日與火隱澁小角偏繫久視昏

花迎風有淚

蔓荊子

甘草

連翹分三

柴胡分二

酒黃芩分五

生地分三

防風分五

人參分三

黃芪分五

紅藥花分三

升麻錢一

歸身分三

羌活分五

右咬咀每服五錢水二盞煎至一盞去查稍熟食後服
前一方治倒睫拳毛後三方治眼楞緊急縮小眼楞緊
縮小者倒睫拳毛之漸也故以其方附於後蓋陽虛則
眼楞緊急陰虛則瞳子散大故東垣治眼楞緊急用參
芪補氣為君佐以辛味疎散之而忌芍藥五味子之類
酸收是也治瞳子散大用地黃補血為君佐以酸味收
斂之而忌羌薤子青箱子之類是也

治倒睫眼方以無名異末摻捲在帛中作燃子點着至藥
末處吹殺以烟薰之自起

本治倒睫爛弦

蠶沙兩

號丹錢五

右二味慢火熬成心入輕粉五分熬黑色逐時湯泡洗

瑞青黛散治眼倒睫極效

蝟刺

東棘針

白芷

青黛

右各等分爲細末左眼倒睫口輸水左鼻內搗之右眼倒睫右鼻內搗之

山眼毛倒睫摘去拳毛用虱子血點入眼內數次卽愈
垣眼生倒睫拳毛由目緊急皮縮之致也蓋內伏熱攻陰
氣外行當去其內熱并火邪使眼皮緩則眼毛立出翳膜
亦退用手法攀出內臉向外刺以三稜針針出熱血以左
瓜甲迎住針縫立愈

努肉攀睛

羅還睛散治眼翳膜昏淚淚出瘀血努肉攀睛

川芎

草龍膽

草決明

石決明

荊芥

枳實

野菊花

野麻子

白茯苓去皮

甘草炙

木賊

白蒺藜

川椒炒去

仙靈脾

茵陳已上各半兩

右為細末每服二錢食後茶清調下一日三服忌雜魚

肉及熱麪蕎麥等物一方有楮實子無仙靈脾茵陳枳

殼三味

圖治卒患赤目努肉生內痛者取好漿一箇搗絞汁黃連

三枚碎之以綿裹漬令色變仰臥注目中

外主目翳及努肉用礬石最白者納一黍米於翳上及努

肉上即冷淚出綿拭之令惡汁盡其疾日減翳自消薄便

瘡礬石須真白者方効

干治目中生息肉翳滿目閉瞳子及生珠管方

貝齒七枚燒為末真珠等分

右為細末如粉以注翳肉上不過五度即瘥

針灸

集努肉攀睛 睛明 風池 太陽出血 期門

飛絲塵垢入目

雜方

正治飛絲入目者用頭垢點入眼中即出神效○飛絲入

眼用柘樹漿點了綿裹筋頭蘸水於眼上繳拭涎毒○治

飛絲入目以火麻子一合杵碎并花水一碗浸攪却將舌

浸水中涎沫自出神效一方用麻子葉碎杵如麻子法尤妙

丹飛絲落眼眼腫如眯痛澁不開鼻流清涕用京墨濃炭

以新筆塗入目中閉目少時以手張開其絲自成一塊看

在眼白上却用綿輕輕惹下則愈如未盡再塗此方累效

○治眯目鹽與豉置水中浸之視水其查立出孫真人方

手治稻麥芒入眼取螬蟥以新布覆自上待螬蟥從布上

摩之其芒出着布上

山物落眼中用新筆蘸繳出○又方濃研好墨點眼立出

視岐亂見

精不相
比則視
岐

靈帝曰余嘗上清冷之臺中堦而顧匍匐而前則惑余私
異之竊內怪之獨瞑獨視安心定氣而不解獨揔獨眩披
髮長跪俛而視之後久之不已也卒然自上何氣使然岐
伯曰五臟六腑之精氣皆注於目而為之精精之窠為眼
骨之精為瞳子筋之精為黑眼血之精為絡其窠氣之精
為白眼肌肉之精為約束裹擷筋骨血氣之精而與脈并
為系上屬於腦後出於項中故邪中於項因逢其身之虛
其入深則隨眼系以入於腦入於腦則腦轉腦轉則目系
急目系急則目眩以轉矣邪中其精其精所中不相比也
則精散精散則視岐故見兩物

大惑論

荀牧仲頃年嘗謂予曰有人視一物為兩醫作肝氣盛
故見一為二服瀉肝藥皆不驗此何疾也予曰孫真人曰

靈樞有云目之系上屬於腦後出於項中云云則視岐故見兩物也令服驅風入腦藥得愈

神勞則精氣亂視眩

靈目者五臟六腑之精也榮衛鬼氣之所常營也神氣之所生也故神勞則鬼氣散志意亂是故瞳子黑眼法於陰白眼赤脈法於陽也故陰陽合轉而精明也目者心之使也心者神之舍也故神精亂而不轉卒然見非常處精神鬼氣散不相得故曰惑也帝曰余疑其然余每之東苑未曾不惑去之則復余唯獨為東苑勞神乎何其異也岐伯曰不然也心有所喜神有所惡卒然相感則精氣亂視誤故惑神移乃復是故間者為迷甚者為惑大惑篇素夫精明者所以視萬物別白黑審長短以長為短以白為黑如是則精衰矣

右目亂見治法東垣益氣聰明之類是也

目閉不開

足太陽之筋為目上綱足陽明之筋為目下綱熱則筋縱

目不開

全文見
筋論條

眇目直視眇目者目睛斜側不
正小兒謂之眇睛

針灸

甲眇目者水溝主之

診

集直視者視物而目睛不轉動者是也若目睛動者非直視也傷寒直視者邪氣壅盛目其正氣使神氣不慧臟腑之氣不上榮於目則目為之直視傷寒至於直視為邪氣已極證候已逆多難治經曰衄家不可發汗發汗則額上陷脈緊急直視不能眇不能眠以肝受血而能視亡血家肝氣已虛目氣已弱又發汗亡陽則陰陽俱虛所致也此雖錯逆其未甚也逮狂言反目直視又為腎絕直視搖頭又為心絕皆臟腑氣脫絕也直視譫語喘滿者死不利者

診

亦死又劇者發狂則不識人循衣摸床惕而不安微喘直視脈弦滑者死皆邪氣盛而正氣脫也

少陽終者其百節縱目最絕系

全文見診生死條目系絕故目不動而直視王注云

最謂直視如驚貌○最音瓊

目上視

瞳子高者太陽不足戴眼者太陽已絕

全文見診生死戴眼者目直視不能

轉動也

太陽之脈其終也戴眼反折瘕瘕

針灸目上視見中風上

醫學綱目卷之十三